



**Nasjonalparkstyret
for Jotunheimen
og Utladalen**

Postadresse
Postboks 987
2604 LILLEHAMMER

Besøksadresse
Norsk fjellsenter
Brubakken 2, 2686 Lom
Luster kommune,
Kommunehuset, 6868 Gaupne

Kontakt
Sentralbord: +47 61 26 60 00
Direkte: +47 948 80 564
fminpost@statsforvalteren.no
<http://www.nasjonalparkstyre.no/jotunheimen>

Gjendebåten v/ Harald Rune Øvstedal

Saksbehandler Kari Sveen

Vår ref. 2021/3335-2 432.3

Dykkar ref.

Dato 16.03.2021

Delegert vedtak - Jotunheimen NP - Dispensasjon - Motorferdsel - 2021 - Bruk av snøskuter på Gjende - Gjendebåten

Viser til søknad ved e-post av 16.03.2021.

Bakgrunn

Det blir søkt om løyve til bruk av snøskuter på strekninga Gjendesheim-Gjendebu T/R i samband med planlegging av byggetiltak på brygga ved Gjendebu:

«Gjendebåten har planer om å endre brygge på Gjendebu. I den forbindelse så skulle jeg vært inne på Gjendebu på scooter. Må inn å borre hull i is og måle opp plassering både på ny og gammel brygge. Trenger da løyve for en scooter og slede inn til Gjendebu og tilbake. Vi har ønske/planer om å lage en vinkel på brygge mot Memurubu slik at bryggen blir som en L. Grunnen er at båtene har endret seg både i form og lengde og at vi har problem med å komme til kai når været står fra øst da bryggen står ca. sør/nord.

Kan ta mer om prosess og brygge i en søknad, men i første omgang skulle jeg vært inne på Gjendebu en tur helst før Påske.»

Heimelsgrunnlag

Delegering

Nasjonalparkstyret har delegert forvaltningsmyndighet for Jotunheimen nasjonalpark og Utladalen landskapsvernområde i medhald av reviderte vedtekter gjeldende frå 01.01.2020. Etter vedtak i Nasjonalparkstyret for Jotunheimen og Utladalen den 11. mai 2016 er myndighet til å treffe vedtak i saker som gjeld søknad om løyve etter dei spesifiserte dispensasjonsreglane om motorferdsel i verneforskrifta delegert til nasjonalparkforvaltar.

Verneforskrift for Jotunheimen nasjonalpark av 14.11.14

Restaurering av eksisterande anlegg er direkte heimla i verneforskrifta § 3 pkt. 1.2 a):
«Vedlikehald av bygningar, anlegg og innretningar som ikkje fører til bruksendring. - - »

Ei ombygging som gjev endra storleik og form må behandlast etter § 3 pkt. 1.3 a)

«Ombygging og mindre utviding av eksisterande bygningar.»

Ein legg til grunn at punktet gjeld byggverk, og ikkje berre bygningar.

Verneforskrifta § 3, pkt. 6.1, set eit generelt forbod mot motorferdsel i nasjonalparken.

I medhald av § 3 pkt. 6.3 f) kan forvaltningsstyresmakta gi løyve til:

«Bruk av beltekjøretøy på vinterføre eller luftfartøy for transport av materialar til vedlikehald og byggarbeid på bygningar, bruer, anlegg og innretningar.»



Forvaltningsplan

Utkast til forvaltningsplan for Jotunheimen og Utladalen (2008) har som overordna mål at det skal vera «*minst mogleg motorisert ferdsel i nasjonalparken og landskapsvernområdet.*»

Kap. 8.15.5 Dispensasjonspraksis pkt. b) viser til at «*det vil vere vanskelegare å få dispensasjon i sone utan tilrettelegging og inngrep, og i område og til årstider og til tider då det er mange som ferdast i eit område, som i fellesferiar, høgtider og helgedagar og evt midt på dagen.*»

Vurdering:

Verneforskrift for Jotunheimen nasjonalpark opnar for at det kan gjevast løyve til motorisert transport på vinterføre for nødvendig vedlikehald og byggearbeid. Transport etter isen på Gjende blir ikkje vurdert å vera i konflikt med dei miljørechtslege prinsippa i naturmangfaldlova §§ 8-12. Det er ikkje registreringar av sårbare artar i Artskart eller andre databasar i høve til ferdsel på denne strekninga. Motorferdsel på helgedagar/feriar er lite heldig, og transporten bør derfor utførast på vekedag, i tråd med retningsliner i forvaltningsplanen.

Vedtak

Det er på grunnlag av vurdering over gjort slik delegert vedtak:

Med heimel i verneforskrift for Jotunheimen nasjonalpark § 3 pkt. 6.3 f) får Gjendebåten v/ Harald Rune Øvstedal dispensasjon for bruk snøskuter for nødvendig transport i samband med oppmåling for planlegging av tiltak på brygga ved Gjendebu våren 2021. Løyvet gjeld med følgjande vilkår:

1. Løyvet gjeld for strekninga Gjendesheim-Gjendebu T/R, og må vera avslutta seinast torsdag før påske (25.mars 2021).
Alternativet er gjennomføring rett etter påske, frå tysdag 6. april.
2. Transporten skal utførast på vekedag (måndag-fredag), og det skal takast omsyn til fugle- og dyrelivet og til andre brukarar av området.
3. Statens Naturoppsyn v / Rigmor Solem skal ha melding om dato for kjøring seinast dagen før. Mobilnr. 959 65 158 eller e-post rigmor.solem@miljodir.no
4. Løyvet skal takast med under transport og skal kunne visast fram ved ev. kontroll.

Løyvet gjeld i høve til verneforskrifta. Vågå kommune vurderer behov for behandling etter forskrift til motorferdsellova.

Vedtaket kan påklagast etter reglane i forvaltningslova. Eventuell klage skal stilast til Miljødirektoratet, men sendast via nasjonalparkstyret innan 3 veker etter motteke vedtak.

For sjølve tiltaket vil vi be om søknad i god tid før planlagt gjennomføring, da dette vil bli lagt fram for styret eller arbeidsutvalet for behandling.

Med helsing

Kari Sveen
nasjonalparkforvaltar

Etter våre rutinar er dette brevet godkjent og sendt utan underskrift



Kopi til:

Vågå kommune	Edvard Storms veg 2	2680	VÅGÅ
Vågå fjellstyre	Postboks 16	2684	VÅGÅ
Statsforvalteren i Innlandet	Postboks 987	2604	LILLEHAMMER
SNO v/ Rigmor Solem			
Lom kommune	Midtgard	2686	LOM
Lom fjellstyre	Postboks 94	2686	LOM
Eldrid Nedrelo			